



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბიუსი ევგენი ივანეს ძე



ე. ბიუსი

ბიუსი ევგენი ივანეს ძე [20. V (1. VI). 1885, იურიევი (ახლანდ. ტარტუ), - 15. VI. 1969, თბილისი], გეოფიზიკოსი. ფიზიკა-მათ. მეცნ. დოქტორი (1963), პროფესორი (1965), საქართვე. მეცნ. დამს. მოღვაწე (1946).

1911 დაამთავრა იურიევის უნ-ტის ფიზ.-მათ. ფაკ-ტი; მუშაობა დაიწყო იქვე ასტრონ. ობსერვატორიაში. ბ. სამხრ. კავკასიაში თანამედროვე სეისმური სამსახურის ერთ-ერთი ორგანიზატორია. 1912-20 იყო ბაქოს სეისმური სადგურის, 1921-23 - თბილ. სეისმური სადგურის გამგე. 1933-იდან მუშაობდა საქართვე. მეცნ. აკად. გეოფიზ. ინ-ტში, სადაც ხელმძღვანელობდა სეისმოლოგიურ სამუშაოებს.

ბ-ის ძირითადი შრომები ეხება სამხრ. კავკ. ტერიტ. სეისმურობის საკითხებს. მისი გამოკვლევები საფუძვლად დაედო სამხრ. კავკ. სეისმურ დარაიონებას და სეისმომედეგი მშენებლობის ნორმების დადგენას. ი. ჯავახიშვილის წინადადებით, საქართველოში ქრისტიანობის შემოღების თარიღის დასაზუსტებლად ჩაატარა IV ს. I ნახ. საქართველოში ხილულ მზის დაბნელებათა პირობების კვლევა.

მიღებული აქვს სახელმწ. ჯილდოები.

თბმ.: მზის დაბნელებათა ხილვადობის პირობები საქართველოში ახ. წ. IV საუკუნის პირველი ნახევრისათვის, «საქ. სსრ მეცნ. აკადემიის მოამბე», 1944, ტ. 5, № 9; Ленинанские землетрясения 22 октября 1926, Тб., 1943 (თანაავტ. В. Гигинейшвили); Сейсмические условия Закавказья, ч. 1 – 3, Тб., 1948 – 55.

ლიტ.: Б а л а в а д з ე Б. К., Г о ц а დ з ე О. Д., Евгений Иванович Бюс (к 100-летию со дня рождения), Тб., 1987 (ახლავს ბ-ის შრომების ბიბლიოგრ.).

ვ. ჯავრიშვილი
